

Temeljem člana 7. Zakona o igrama na sreću („Službene novine Federacije BiH“, br. 48/15 i 60/15 – Ispravka) i člana 6. Uredbe o kriterijima za utvrđivanje korisnika i načinu raspodjele dijela prihoda ostvarenih temeljem naknada za priređivanje igara na sreću („Službene novine Federacije BiH“, br. 89/15, 11/17 i 87/22), Federalno ministarstvo kulture i sporta raspisuje

JAVNI KONKURS

za raspodjelu dijela prihoda ostvarenih temeljem naknada za priređivanje igara na sreću

Iz dijela prihoda ostvarenih u Budžetu Federacije Bosne i Hercegovine temeljem naknada za priređivanje igara na sreću, Federalno ministarstvo kulture i sporta raspisuje Javni konkurs za prikupljanje zahtjeva za dodjeljivanje sredstava u svrhu finansiranja/sufinansiranja projekata i programa koji se odnose na:

- **promovisanje kulture**
- **promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate.**

I. Pravo učestvovanja

Pravo učestvovanja na Javnom konkursu imaju udruženja građana, fondacije i humanitarne organizacije utemeljene u skladu važećim propisima o udruženjima i fondacijama, koje imaju sjedište na teritoriju Federacije Bosne i Hercegovine.

Na javni konkurs može se aplicirati isključivo s projektima koji će biti realizirani u razdoblju od 1. 1. 2026. do 31. 12. 2026. godine

II. Opšti i posebni kriteriji

Opšti kriteriji

1. Broj kalendarskih godina poslovanja korisnika sredstava
2. Broj realiziranih programa i projekata koje su finansirali drugi organi uprave
3. Preporuka stručnjaka (najmanje jedna) ili nadležne institucije iz oblasti na koju se projekt odnosi
4. Udjel vlastitih sredstava u finansiranju predmetnog projekta
5. Broj pozitivnih izvješća iz ranijeg razdoblja za dodijeljena sredstva u skladu *Uredbi o kriterijima za utvrđivanje korisnika i načinu raspodjele dijela prihoda ostvarenih temeljem naknada za priređivanje igara na sreću* (mogu se prihvatiti potvrde, obrazac Povjerenstva o prihvaćenom izvješću ili mail iz kojeg je vidljivo da je izvješće prihvaćeno).

Posebni kriteriji

Federalno ministarstvo kulture i sporta je u skladu članu 3. stavak (2) *Uredbe o kriterijima za utvrđivanje korisnika i načinu raspodjele dijela prihoda ostvarenih temeljem naknada za priređivanje igara na sreću* („Službene novine Federacije BiH“, br. 89/15, 11/17 i 87/22) utvrdilo posebne kriterije, koji će, zajedno s opštim kriterijima biti temelj za ocjenu i izradu prijedloga raspodjele kandidiranih projekata i programa iz oblasti.

Posebni kriteriji po programima u oblasti „Promovisanje kulture“

Projekti koje realiziraju udruženja s invaliditetom:

1. Uključenost osoba s invaliditetom u realizaciju projekta
2. Utjecaj projekta na socijalnu inkluziju i vidljivost osoba s invaliditetom
3. Prilagođenost projektnih aktivnosti osobama s invaliditetom
4. Suradnja s institucijama relevantnim za projekt
5. Kvaliteta projektnih aktivnosti

Projekti koje realiziraju udruženja nacionalnih manjina:

1. Doprinos očuvanju jezika, tradicije i kulturnog identiteta
2. Uključenost pripadnika nacionalnih manjina u realizaciju projekta
3. Javna dostupnost i vidljivost projektnih aktivnosti
4. Ukorijenjenost projekta u zajednici i kontinuitet djelovanja
5. Prijenos znanja i tradicije na nove generacije

Projekti koji podupiru autore u oblasti književnosti:

1. Broj autora obuhvaćenih projektom i razina uključenosti
2. Kvaliteta i jasnoća programa podrške autorima
3. Doprinos razvoju književne produkcije i čitateljske kulture
4. Književna relevantnost u suvremenom stvaralaštvu
5. Izravna korist za autore

Projekti koji podupiru dječju kulturu, književnost, muziku i slično:

1. Usmjerenost projekta na razvoj kreativnosti djece
2. Prilagođenost sadržaja uzrastu djece
3. Obuhvat djece kroz projektne aktivnosti
4. Aktivno učestvovanje djece u stvaralačkom procesu
5. Kulturno-obrazovna vrijednost programa

Projekti koji podupiru manifestacije kulture s tradicijom dužom od 15 godina:

1. Raznovrsnost i složenost kulturnog sadržaja
2. Broj posjetitelja i značaj za lokalnu zajednicu
3. Kulturni pejzaž i povezanost s lokalitetom
4. Doprinos očuvanju nematerijalne kulturne baštine

Projekti koji podupiru audiovizualnu djelatnost:

1. Doprinos očuvanju i promociji kulturnog identiteta
2. Kvaliteta projektne ideje i planirane produkcije
3. Plan distribucije i dostupnost javnosti
4. Tematska utemeljenost u kulturnim praksama

5. Dubinska interpretacija identiteta

Projekti koje realiziraju kulturno-umjetnička društva:

1. Aktivno učestvovanje članova društva
2. Doprinos očuvanju tradicijske kulture i običaja
3. Uključenost lokalne zajednice
4. Usklađenost sadržaja s plesnom, muzičkom i običajnom praksom
5. Kvaliteta i raznovrsnost kulturnog sadržaja

Projekti koje realiziraju lokalne podružnice krovnih kulturnih društava:

1. Povezanost projekta s ciljevima krovnog društva
2. Doprinos jačanju kulturnih aktivnosti na lokalnoj razini
3. Suradnja s drugim organizacijama i institucijama
4. Raznovrsnost kulturnog sadržaja
5. Oživljavanje kulturno-tradicijskih sadržaja zajednice

Posebni kriteriji po programima u okviru oblasti "Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate"

Organiziranje međunarodnih turnira/takmičenja u Federaciji BiH (najmanje 5 država sudionica):

1. Iskustvo u organizaciji međunarodnih sportskih događaja
2. Broj država sudionica
3. Kvalitetan organizacijski plan
4. Finansijska održivost projekta
5. Sportski i društveni značaj
6. Medijska vidljivost i promocija
7. Tehnički i infrastrukturni kapaciteti
8. Partnerstva i potpora

Organiziranje turnira/takmičenja koja nemaju međunarodni karakter (najmanje 10 klubova iz različitih gradova ili 30 sportaša, pojedinačni sportovi):

1. Kvaliteta takmičenja
2. Masovnost i dostupnost
3. Strogi mehanizmi protiv manipulacije učesnicima i stvarna masovnost
4. Kvalitativni elementi koji se posebno vrednuju
5. Minimalni standard za prihvaćanje

Odlazak na međunarodne turnire/takmičenja:

1. Dostavljanje službenog kalendara međunarodnih takmičenja
2. Broj međunarodnih nastupa
3. Dokaz o učestvovanju iz prethodne godine
4. Razina takmičenja

Osiguranje uvjeta za klubove čiji su članovi u posljednje tri godine dobili nagradu Federalnog ministarstva kulture i sporta za osvajanje vrhunskih sportskih rezultata:

1. Broj osvojenih nagrada
2. Vrsta i razina takmičenja
3. Unapređenje materijalno tehničkih uvjeta za trening sportaša
4. Osiguranost uvjeta za pripreme sportaša za takmičenja višeg ranga
5. Usmjerenost programa na konkretne potrebe sportaša vrhunskog rezultata

III. Dokumentacija koju je potrebno dostaviti je sljedeća:

Obvezna dokumentacija:

1. Prijavni obrazac (mora biti na jednom od službenih jezika u Federaciji BiH i elektronički popunjen. Na kraju obrasca obvezno navesti mjesto, datum i potpis odgovorne osobe udruženja građana/humanitarne organizacije/saveza/kluba te ovjeriti pečatom udruženja građana/humanitarne organizacije/saveza/kluba
2. Izvod iz registra nadležnog ministarstva pravde, ne stariji od šest mjeseci od dana objave javnog konkursa (original ili preslik ovjeren u opštini ili u notarskom uredu)
3. Uvjerenje o poreznoj registraciji - ID broj (original ili preslik ovjeren u opštini ili u notarskom uredu)
4. Potvrda od banke ne starija od tri mjeseca od dana objave javnog konkursa (original ne stariji od tri mjeseca ili preslik ovjeren u opštini ili u notarskom uredu) u kojoj je:
 - **navedeno da račun nije blokiran**
 - **iz koje se vidi broj transakcijskog računa i ID broj korisnika**
5. Posljednji godišnji obračun o finansijskom poslovanju koji je predan Finansijsko – informatičkoj agenciji, obračun za 2025. godinu (original ili ovjeren preslik u opštini ili u notarskom uredu)
6. Detaljan opis projekta (ovjeren pečatom aplikanta)
7. Detaljno razrađena tablica rashoda
8. Dokaz o prethodno realiziranim projektima od drugih organa uprave ili donatora (dokazi o prethodno prihvaćenim izvješćima potpisanim i ovjerenim pečatom odgovorne osobe donatora ili mail korespondencija iz koje je vidljivo da su izvješća o realiziranim projektima)

9. Dokaz da odgovorna osoba korisnika sredstava nije osuđivana za kaznena djela, osim za kaznena djela iz oblasti prometa **koji se dostavlja iz MUP-a** (original ili ovjeren preslik u opštini ili u notarskom uredu).
10. Ovjerena izjava pod punom materijalnom i kaznenom odgovornošću kojom odgovorna osoba korisnika sredstava potvrđuje da nije aplicirala s istim zahtjevom/projektom kod drugih nadležnih institucija temeljem Uredbe u tekućoj kalendarskoj godini (original ili ovjeren preslik u opštini ili u notarskom uredu).
11. Potvrde drugih organa uprave o realiziranim programima i projektima
12. Preporuke stručnjaka ili nadležne institucije koji su učestvovali u izradi predmetnog projekta
13. Izjava o udjelu vlastitih sredstava u finansiranju predmetnog projekta (ovjerena u opštini ili notarskom uredu)
14. Prihvaćena izvješća iz ranijeg razdoblja za dodijeljena sredstva u skladu Uredbi (potvrda organa uprave)
15. Rješenje o razvrstavanju - klasifikacija djelatnosti, izvadak iz registra, Statut ili neki drugi dokument iz kojeg se vidi da je korisnik sredstava registrovan za program na koji aplicira i za obavljanje djelatnosti iz oblasti kulture/sporta (original ili ovjeren preslik u opštini ili u notarskom uredu)
16. Potvrde učestvovanja planiranih učesnika na turniru/takmičenju kojim se aplicira (mail adresa, kontakt podaci, pismo) - Samo za točke I. i II. u oblasti "Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate"
17. Dokaz za svaku godinu u posljednje 3 godine o osvajanju nagrade Federalnog ministarstva kulture i sporta za osvajanje vrhunskih sportskih rezultata (Samo za točku IV. u oblasti "Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate")
18. Potvrda/dokaz o kontinuitetu manifestacije kulture s tradicijom dužom od 15 godina (Samo za točku V. u oblasti „Promovisanje kulture“)
19. Lista dokumentacije s označenom ✓ uz svaki priloženi dokument koji na dnu potpisuje odgovorna osoba za projekat uz pečat aplikanta.

Obvezna dokumentacija dokazuje formalno pravnu ispravnost i ukoliko nije uredna ili nedostaje neki dokument, projekt će se smatrati formalno pravno neispravnim i neće biti uzet u razmatranje za proces vrednovanja.

Dodatna dokumentacije za „Promovisanje kulture“:

1. Projekti koje realiziraju udruženja s invaliditetom

- Potvrda ili sporazum o suradnji s institucijama relevantnim za projekt
- Izjava o utjecaju projekta na socijalnu inkluziju i vidljivost osoba s invaliditetom

2. Projekti koje realiziraju udruženja nacionalnih manjina

- Plan vidljivosti i promocije projekta
- Potvrda/preporuka o prethodno realiziranim projektima (original ili ovjeren preslik)

3. Projekti koji podupiru autore u oblasti književnosti

- Priznanja/nagrade autora uključenih u projekt
- Potvrde/preporuke stručnjaka i strukovnih organizacija o relevantnosti projekta (original ili ovjeren preslik)
- Izjava o koristi projekta za autore

4. Projekti koji podupiru dječju kulturu, književnost, muziku i slično

- Potvrda/preporuka o kulturno-obrazovnoj vrijednosti projekta
- Plan i program aktivnosti

5. Projekti koji podupiru manifestacije kulture s tradicijom dužom od 15 godina

- Izjava o doprinosu očuvanju nematerijalne kulturne baštine
- Izjava o značaju projekta za lokalnu zajednicu

6. Projekti koji podupiru audiovizualnu djelatnost

- Plan distribucije i dostupnost javnosti
- Izjava o doprinosu očuvanju i promociji kulturnog identiteta

7. Projekti koje realiziraju kulturno-umjetnička društva

- Izjava o doprinosu očuvanju tradicijske kulture i običaja
- Potvrda/preporuka o usklađenosti sadržaja s plesnom, muzičkom i običajnom praksom

8. Projekti koje realiziraju lokalne podružnice krovnih kulturnih društava

- Potvrda krovnog društva o povezanosti projekta s ciljevima krovnog društva
- Izjava o doprinosu jačanju kulturnih aktivnosti na lokalnoj razini
- Potvrda/preporuka o suradnji s drugim organizacijama i institucijama

Dodatna dokumentacija za „Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate“:

1. Organiziranje međunarodnih turnira/takmičenja u Federaciji BiH (najmanje 5 država sudionica)

- Potvrda/dokaz o prethodno organiziranim međunarodnim sportskim događajima
- Organizacijski plan
- Plan vidljivosti i promocije
- Preporuka strukovnog saveza o značaju turnira/takmičenja
- Sporazum ili potvrda o suradnji s međunarodnom organizacijom ili klubom
- Dokaz o dostupnosti sportskih objekata koji ispunjavaju međunarodne standarde, a koji su potrebni za održavanje takmičenja, kao i saglasnost vlasnika tih objekata

2. **Organiziranje turnira/takmičenja koja nemaju međunarodni karakter (najmanje 10 klubova iz različitih gradova ili 30 sportaša, pojedinačni sportovi)**
 - Plan takmičenja
 - Preporuka strukovnog saveza o značaju turnira/takmičenja za opštinu/kanton ili Federaciju BiH
 - Potvrda o prethodno organiziranim turnirima/takmičenjima
3. **Odlazak na međunarodne turnire/takmičenja (kalendar s imenima)**
 - Potvrda Europske međunarodne federacije ili krovnog saveza o ispunjenju uvjeta za odlazak na međunarodno takmičenje
 - Pozivnica, kalendar ili drugi dokument kojim se dokazuje održavanje međunarodnog turnira/ takmičenja za koji se aplicira ili objava sa stranice Europske ili Svjetske federacije o organizaciji međunarodnog takmičenja
 - Dokaz da je aplikant ispunio uvjete za odlazak na takmičenje (pozivno pismo, potvrda od Olimpijskog ili Paraolimpijskog komiteta o ispunjenju uvjeta za odlazak na međunarodno takmičenje)
 - Dokaz o učestvovanju na međunarodnim takmičenjima u prethodnoj godini
4. **Osiguranje uslova za klubove čiji su članovi u posljednje tri godine dobili nagradu Federalnog ministarstva kulture i sporta za osvajanje vrhunskih sportskih rezultata**
 - Preslik ugovora ili dodijeljene plakete kao dokaz za nagradu Federalnog ministarstva kulture i sporta za osvajanje vrhunskih sportskih rezultata za svaku godinu u posljednje 3 godine (ugovor)
 - Plan pripreme sportaša za takmičenja višeg ranga

IV. Način podnošenja prijave

Prijave s odgovarajućom dokumentacijom šalju se isključivo poštom na adresu:

**FEDERALNO MINISTARSTVO KULTURE I ŠPORTA-FEDERALNO MINISTARSTVO
KULTURE I SPORTA**

UI. Obala Maka Dizdara br. 2

71 000 Sarajevo

s obveznom napomenom:

„Za Javni konkurs - sredstva ostvarena temeljem naknada za priređivanje igara na sreću“ – sport NE OTVARATI

Naziv programa: Promicanje razvoja profesionalnog i amaterskog sporta s ciljem povećanja sredstava fonda za nagrađivanje za istaknute sportske rezultate

„Za Javni konkurs - Sredstva ostvarena temeljem naknada za priređivanje igara na sreću“ – kultura NE OTVARATI

Naziv programa: Promovisanje kulture

Na poledini kuverte (ovjerene pečatom podnositelja prijave) obvezno navesti:

- naziv podnositelja prijave

- adresu i kontakt telefon
- **Krajnji rok za dostavljanje Zahtjeva za dodjelu sredstava je 15 dana od dana posljednje objave u dnevnim novinama.**

Prijave će biti formalno-pravno neispravne i neće biti predmet daljnjeg razmatranja ukoliko:

- Nisu blagovremene,
- Nije potpisala ovlaštena osoba i ako nisu ovjerene pečatom aplikanta
- Nemaju sve sadržajne elemente,
- Dokumentacija nije numerirana prema Naputku o podnošenju prijava za javni konkurs,
- Nisu ispunjeni uslovi iz člana 12. Uredbe o kriterijima za utvrđivanje korisnika i načinu raspodjele dijela prihoda ostvarenih temeljem naknada za priređivanje igara na sreću („Službene novine Federacije BiH“, br. 89/15, 11/17 i 87/22),
- Ne ispunjavaju uslove ovog Javnog konkursa.

VAŽNA NAPOMENA:

- a) **Ukoliko se u postupku odabira korisnika utvrdi da neće biti utrošena sva sredstva predviđena za određenu oblast u skladu Naputku, sredstva će se prerasporediti i dodijeliti za projekte iz druge oblasti.**


MINISTRICA

Sanja Vlasiavljević

Broj: 06-11-10-858/26

Sarajevo, 13. 2. 2026. godine